



南齋集卷二

祁門 馬曰璐

浮山禹廟觀壁間山海經塑像

禹廟揚州地塗泥近海嶠貢惟三品異教已八荒  
敷陽鳥寒林裏空亭斷碣隅山浮鰲一足晷短月  
交辜雲氣巴江並梅梁窳石殊鈎鈐瞻黻冕文治  
繼唐虞禋祀由來遠丹青永不渝陰森蒼鼠竄窻  
窳玉階趨壁有劉元塑形依孔甲撫依稀紛誕幻  
滉瀆割蓬壺人鬼都無辨洪荒信有夫鑄金亡九  
鼎表木徧寰區緬憶橫流際誰將怪物驅黃星潛



南齋集 卷二  
隱伏陰火互盤盃龍負驚騰踔鵬溟得委輸功成  
憑玉斗然照協神珠遂使賢奸判還施罪穢誅風  
雷維地軸日月展天樞四載祆氛淨千秋德澤濡  
按經窮罔象凝睇久踟躕東晉留前序南唐失舊  
圖獻禽名果驗礪石狀非誣蓬髮傳西母長人問  
左徒因知十洲大莫謂巨靈無考索夸宏識津梯  
賴碩儒搜奇馳積羽扶躋到陽紆中壘直堪匹龍  
門每笑迂諦言煩虎僕命中必狼弧慙愧虛拘者  
流連曷已乎廊腰重俯仰落日下平蕪

梅花紙帳歌

苔箋十幅了無用餘材幻出疎梅花梅花的樂留  
夜色紙帳清過蚊帳紗七尺繩牀梢橫亞廣莫華  
胥眼經乍不知是帳是梅花窗外銀蟾正相射道  
人高臥鶴一警消受不勝香雪冷定須興發剡溪  
中不然身到羅浮頂林處士楮先生我來夢破蘧  
蘧形繡池更愛雙蝴蝶那怕寒風傍曉零

寒江

歲晚意如何滄江弭棹多高雲渡陽鴈冷吹挾空  
波澄澈潛虬窟蕭寥節士歌綸竿垂暮雪畫我著  
漁簑

竹火籠效齊梁體

雅製劈琅玕翠絲盤縷縷畫漆綴文華清風變温  
煦石炭一星含春雲半房聚持以貺湘君窗前雪  
幾許

邗溝廟

丹甍碧瓦古城闐宋口遙連指去津流水至今真  
似夢石田從古一含辛江淮歲挽東南遍簫鼓春  
深報賽頻剩有靈旗留霸業凍雲如墨黯蕭晨

洞庭葉震初為同人寫行菴文讌圖歲晏瀕  
行自作漁隱小照索題

何充李放世不乏多君寫真具詩法貌得吟情入  
豪頗不巾不襪十數公我亦插腳雙林中此間可  
有桃花紅皮日休洞庭桃花塢詩空  
羨塢中人終身不巾襪綸竿七尺插枯柳自  
寫風漪認誰某明日扁舟隔胥口

詠梅花事得合江園

合江舊有梅風流擅往代冰花一萬株箇箇排珠  
琲華筵燕寢餘日報事點對想見半坼時以至香  
奔潰人聲歌吹聲都在暖雲內孟蜀業消沉故宮  
化煙靄不因孤標堅那得芳根在評隲煩詩翁名  
花遠難配

二月五日集篠園梅花下用香山詩爲起句  
得支韻

二月五日花如雪多謝韶光入酒卮燈火百重連  
碧落星河一道影清池詩徵舊事兼新事坐近歌  
師與板師檢點園林猶昨日三年風景費吟思

江南曲

壁月三千里名花一萬株家家種瓊玉處處采薜  
蕪

信是江南好不道江南樂嫁與綺羅兒春衫四時  
著

餞春詞

前年餞春春水流水雲握手風悠悠

水雲漁屋晚  
清池上名

去

年餞春春竟去山樓目斷東南州蓬鬢星星年五  
十嬾到今年似蟲蟄不知芳樹紅欲然惟愛空林  
翠堪吸天公於我分非慳世味先從應接刪只有  
春歸拋不得擎杯報荅一春閒

閒中自述

百歲光陰今過半尚何擾擾尚何營以閒當貴因  
無事遇境能安覺有情湖月林風隨意取酒燈花  
雨少人爭四三石友論文外時聽鳴禽一兩聲

行菴食筍限筍字

綠陰看已成晚花吹欲盡爲叅一味禪中林遠相  
引入門粉新香過墻籜半隕剩有數龍孫鱗鱗迸  
闌楮勸餐古有言咒竹吾竟忍取以當盤蔬驚雷  
屏土菌千畝遜洋州雙錢異白尹瑩質脫錦棚玉  
色照素鬢糝以水晶良燒得火候準鮮香逆鼻通  
滋味辨舌吮何如貓頭肥絕愛羊角蠢淡泊雖無  
功甜苦兩不泯適來西泠客遺我徑山筍欲持較  
優劣竊恐議未允且置飽喫之相與莞而哂

打麥詞

婦姑之穫不肯遲拍拍聲中聞竊脂更晴半月舉  
家賀保得今年炊餅大黃雲截斷枯稈長空田趁  
插如針秧況有鴉銜糶齊熟一稜田多收一斛書  
生無識歌芑芑官家歸功濟水通

養蠶詞

江南四月桑陰薄辛苦吳蠶初上箔柔條倚遍小  
姑梯生怕朝來雨不宜玉蛾金繭漸成熟織作羅  
紈自無服背人更祭馬頭娘何不絲縑萬丈長聞  
道今年立繭館眼看蠶桑天下滿

分咏揚州古蹟得阿師橋

虹梁二十四一一難具求惟有阿師名事以盧李  
留二生去已邈仙跡空悠悠北亭侍飲處彷彿聞  
箜篌不見朱字書汨汨春波流荒浦帶遠樹斷岸  
縈遙舟我來一憑訪滿目雲天愁導引本無術讀  
書窮雕鏤草躡布衫客還得相遇否徘徊顏陽下  
新蒲聲颼颼朗吟謝朓句驚起雙白鷗

西山擬常徵君建

幽思落巖穴起尋山澗鐘松風導我前石磴希人  
蹤落日辨遠樹一片煙濛濛氤氳花氣合窈窕禽  
聲通空翠望不極雲歸知所終况兹波上月瑩魄

明前峯洲渚暝色至蒲稗孤光重此時閑眺聽餘  
清貯心胸

南莊野眺用東坡書王定國所藏煙江疊嶂  
圖韻

屋頭鳥聲呼紫山農家午飯生林煙竹輿十里度  
流水柴門抱杖心悠然千頃萬頃到眼麥隴秀黃  
穰幾日充園泉只愁雨晴雲復暗低田汙下連通  
川此去江南片帆耳環汀斷渚疎籬前雲開五洲  
山入戶水分八港波黏天迎潮有曲試驗取鷗巢  
魚箔無媿妍縱然弗獲身落水窟圍吾之圃田

吾田君不見南舍中廬屢遷徙南隣黃氏園近易主一枝詎必  
 謀他年書蟲老柳已禿鬣駢頭稗筍欣嬋娟竟須  
 作苦牛十角誰能結束蠶三眠詩壇勝侶稱好事  
 邀我食字希升仙天隨耒耜吾有取亢倉農道吾  
 有緣筆牀硯具卷還客煩君申紙為吾題作南莊  
 篇

食鮭魚聯句

海鮮來四月馬曰節物數江臯風借東方便厲潮乘  
 上信豪郭公啼雨早藻棟子著花高截水千絲網  
馬曰緣流幾葉舫蒼黃惜鱗鬣陳咫尺失波濤圍圍

傷同隊閔喁喁爾曹脊橫堆翠鈿陸鍾尾帖臥銀  
 刀得雋漁人喜張四居奇市價操沙頭貫楊柳曰街  
 口伴櫻桃俊味河豚婉鷄芳腴石首逃團臍嘲稻  
 蟹藻獷殼賤車螯指動何妨染曰涎流詎厭饕淵  
 材談恨誤章孫勛韻深褒去乙砧初斫畢調辛釜  
 乍輟煮宜加荻筍鍾和不用藺蒿飽食仍蕭瑟四  
 嘗新漫鬱陶貢曾同嶺荔曰薦更重溪毛因軫百  
 金費鷄還停一騎勞此鄉真獨擅藻作客屢曾叨  
 致遠如藏杭章封題每藉糟爛應愁內潰曰薨祗  
 享殘膏腹負誠為累畢身謀任所遭撫時將兢渡



鍾輝按酒共離騷翦燭西堂夜科四爭拈險語麈瑄曰

行菴坐雨

簷聲止復作時候正黃梅嫩竹一庭翠疎櫺四面  
開客從煙際入鐘自雨中來竟日成枯坐禪香換  
幾回

賦得滿天梅雨是蘇州送王梅泚歸里

正是黃梅暮雨時渡江一倍遠霏霏采香徑濕鷗  
迷夢釣雪亭荒水沒磯三載故衫因醜熨半帆煙  
草帶雲飛應知鴈齒紅橋外滿徑苔花待啟扉

題五毒圖

天水歲時重端午節物猶可稽乾淳三層盒子飾

珠翠中有毒蟲蟠僂僂乾淳歲時記插食盤架設有蜈蚣蜥蜴等毒蟲不言厥數

悉翦綵大抵不外螫與辛厥後畫者石樓叟曹棟亭朱竹垞

兩先生所題五毒篇為張石樓畫五毒之篇傳絕倫茲圖籤題出御筆

宣和先此禳灾辰五者聿役盡如鬼得無寓嗤童

蔡臣拖金紆紫比令僕赤憤大冠稱搢紳那知真

龍畏此屬肉如肥瓠頭如輪爪牙帖伏欲蠕動奮

猛一一慙斑寅已為蠱尾欲令國何怪致蠹殘人

民游氛散盡七百載令人畏惡能逼真赤日當空

且莫論蒲絲艾葉傾逡巡酒名

禹鴻臚尚基五瑞圖聯句

天中節物鴻臚筆礮砢歲蕤狀非一閔若榴的的

開紅巾頰玉軫綴碧葉新鵝幾團角黍裹綠箬半

尺菖蒲露青鍔星程盧橘壓枝真蠟黃胡蒜一拳簾

押光陳中央置以酒盈甕快讀離騷飲須痛藻禹

生久客在京師寫此娛賓共解頤馬躡柳紛紛塵

撲面不見飛鳧嬉海淀庶方水鄉風景憶江南微官

落拓畫尚堪馬宮扇宮衣那易得差勝殘杯兼冷

炙陸圖成聊解楚臣饑九節堯韭仙可期華塗林

子待秋房滿京口山形符益算鶚洞庭晚翠花款

冬鄉人誰寄輕筠籠星錫以嘉名曰五瑞淋漓醉

墨欹斜字章藏弃今歸好事家高齋同展玉鴉又

藻濃陰如水雨新霽絡石垂垣搖薜荔瑄朋尊飛

送蠻箋裁遠隔東華十丈埃庶升平行樂逢上日

五毒潛銷百事吉璐題詩看畫自年年他時佳話

應流傳鍾

彈指閣落成

炎氛欲至喜樓成躡盡梯枕樹與平何可閑遊無

此地占將清勝許誰爭高僧八十猿猱似吟客三

庚枕簟橫南戶東窗儼屏障不知林外有喧聲

竹間納涼分得風字

冷吟失炎暑偶息禪枝空冰雪各自攜況坐碧玉  
叢竹色雨後綠幽懷靜處通泠泠暗泉響淡淡閒  
雲封不用珠招涼卻疑衣藏風散髮至薄暮月彩  
散瓊瓏畢景有如此清氣歸吾躬涼湖更相約吹  
笛荷花中

白石郎曲

雲茫茫雨淙淙白石郎愁空江  
來何許翠松下艷獨絕無定所  
牽江籬薦瑤席送郎歸煙波夕

初伏集天寧寺僧房用香山苦熱喜涼韻

炎煇人事疎檢束百骸倦獨有倚樹吟不妨露頂  
見朝起天宇空仰視火雲變逃暑趨梵宮迫如使  
者傳松涼氣襲襟竹密風約扇旣忻僧對清亦許  
句鬪健亭午詩已成所得益閑宴閑宴生清涼堪  
爲襍懃勸

書王右丞詩集後

摩詰本高人賦性淡以潔不在藝事精聲名動寧  
薛惜哉值喪亂九閭痛喋血宮槐落葉詩艱危見  
臣節讓弟推五長識樂辨三疊禪誦篤暮年山水

寄幽絕至今輞川莊風流說往哲唾咳成珠璣光  
華永不滅

分詠西湖古蹟送樊榭歸錢唐得龍泓洞

錢唐何處尋逋客家住噴崖溜千尺山空夜靜水  
龍吟想見彈琴倚秋碧思歸奏罷惜離羣君是前  
身丁隱君茅堂問訊今無恙何事相逢只賣文

蒙丁隱君歌前  
度相逢正賣文

七夕泝江太史招集篠園

暑氣消殘露氣浮晚涼高樹繫輕舟承翠雨虛  
亭靜月挂微雲水閣秋天上佳期無別緒人生清

味是同遊杯深不覺憑欄久河影星光共一樓

秋望

落落禪關啟悠悠野客過清秋宜騁望極目在雲  
蘿不盡高樓思其如遠道何風前黃葉下撩起舊  
情多

物象澄諸品欄迴眼界分鴈鴻原伴侶山水是知  
聞擗管蒼空響馳情到夕曛淡然今古事都只付  
閑雲

九日登雲木相參樓次去年九日行菴韻

良辰無古今隨得各臻妙九日與閑宜無事卽壺

嶠去年拜陶公曾整風中帽今年上層樓節物助  
諧笑老葉無驚飛澄暉有朗照天宇空寥寥見雲  
騫鳥踔舉俗競登高無分賢與肖所貴君子心歷  
險化厓峭羣公咀蘭芬賤子愧菊耀依辰不盡歡  
何以申嘉好昏鐘蒲牢鳴遠笛玉龍叫逸興或可  
追往跡未易蹈不如總置之卑論作常調把菊泛  
黃觴鳴薑點蟹茗

重九後二日樊榭至自武林同人適有看菊  
之集分韻共賦得侵韻

景幽風淡晝悒悒簾捲秋齋雨一襟滿眼繁英尚

初馥入脣香蟻少孤斟故人適自湖山至雅調重  
聯斷續吟不是此花無此會花枝人意總同岑

題明寧王畫

高皇廿六子矐仙實領袖風華絕人羣神姿挺天  
秀晚年托羣籍藝事亦時就佳哉尺幅中煙液割  
廬阜松明五老奇屏列九疊皴英英三素雲彷彿  
收巖竇當時結精廬已在徙封後采芝慕冲舉埋  
照忘華胄以此繩檢餘舊封保錯繡如何歷五葉  
覆巢無遺馥信惟象賢難未盡貽謀謬對畫發遙  
嘅霜風響寒晝

冬日田園雜興

買得沙田四十雙  
薔薇港口近清江  
寒天落木蕭蕭裏  
已課沿溝插柳椿

兩兩車乘穀  
觥輕田家最要一  
冬晴秫苗曬罷村  
醪熟翻愛糟牀滴  
雨聲

白牯烏犍各認家  
夕陽歸路隱三叉  
柴門雪後看如畫  
牛背飛來數點鴉

鑿井耕田舊典型  
青紅燈下語添丁  
他年聘取村夫子  
只讀天隨耒耜經

看山樓雪月聯句

雪初晴月復清屬氣最屬光晶瑩陳章登層樓暢幽

情姚世鈺炙冰硯温酒鐺馬瑄澄萬象增雙明馬瑄廣寒府

白玉京鸚竹聲瀉松影橫章籟既寂思已盈世鈺翦

殘燭戀深更瑄曰歲云晏志合并瑄曰

鴈足燈歌

炎漢燈檠二十五  
想見神壇照風雨  
秀華細錯首山銅  
未入歐陽一家譜

集古字遺西漢前  
丹陽裴守搜荒煙  
摹來鴈足燈銘古  
檠宮造自黃龍年

何如吾家曩所得  
自昔曾無弋人弋  
瓜皮綠活土花

鮮薑尾蠶頭月半  
蝕銘文緣槃之半故云初疑槃仿蓮勺形漢

蓮

勺爐銘亦  
彎環如月  
既認趾同  
鳧蹠青老  
眼觀書夜  
行燭年號  
依稀辨竟  
寧竟寧年  
間屢郊時  
火續燈傳  
接芳苾  
麟鬚難以  
拂霜蛾零  
落翫膏與  
鳳髓不將  
歌舞挂  
樓頭曲柄  
須煩黨伯  
舟皎然細  
注輝齋壁  
浙爾涼  
風裊素秋  
墮葉紛紛  
窗戶裏似  
有哀鴻拍  
秋水炎  
光銷盡一  
咨嗟開闔  
殘螢竹間  
起

劉補齋先生寓齋老桂

桂樹何年種連蜷白石傍影疎羣木讓香晚一輪  
涼散帙慕終古結言成老蒼幾時秋有信餘馥滿  
巖廊

初夏行菴用謝康樂首夏猶清和為起句并  
次其韻

首夏猶清和東風吹未歇林陰看漸圓苔痕行就  
沒百草日以長流暉照元髮嗟予如秋蓬當春獨  
不發撫化非昔時踪跡斷累月紆軫與歡悰相視  
等秦越展對依良朋時抱怒焉闕物態本春融予  
心自飄忽感彼時鳥吟毋使天和伐

題李營邱寒林鴉集圖

鴉羣寒噤樹身僵冷色侵凌到竹廊千古有誰能  
擅此令人欲問米襄陽

海嶽嘗欲  
作無李論

五月十二日集篠園

林扉披宿雨雨過怯生衣問訊黃梅近經年點筆  
稀以君耽竹趣邀我坐漁磯煙水由來勝無煩別  
是非

夏至後一日邀胡復翁唐南軒查星南陳亦  
韓程泚江諸先生家兄懈谷小集行菴時雨  
適至以滿林煙雨聽啼鴉分韻得雨字

小築傍招提爲愛鴨腳古結夏枕簟宜其他無足  
取接迹諸老宿肯扣林下戶雄辨騁碧雞健筆爭  
繡虎簷端潑墨雲空涌忽奔聚似疑江海翻開軒

看飛雨爽氣集睂睫涼意滿環堵不惟快宴遊頗  
足樂農圃想見水田秧青葱鬱然怒須臾返照明  
翠滴煙林所清鐘斷續聞幽鳥間關語舉頭問片  
雲何有此豪舉知是要新詩翻成洗溽暑

山館坐雨和蕙田

山窗暑雨多積抱無由展故人茗上來重踏舊苔  
蘚煙沈花動搖林暗鳥覘睨深情託酒杯惆悵日  
易晚

秋郊觀刈穫次儲光義韻

黃雲被隴坂雨後稼益滋郊行知有秋腰鎌及此



時白牯臥西澗紅穎遺東菑上見田父獲下見田  
鳥飛田父日云飽田鳥亦不飢吁嗟食有新我心  
獨傷悲四顧曠野中熒熒何處歸不傷四體情傷  
此舊穀移

秋晚咏懷

秋思不可理落然天宇空江城入暮節蕭瑟廣庭  
中廣庭昨日來秋容未枯槁吟詩觀物變坐見西  
風老西風短鬢愁刁調無時休開窗聞落葉一片  
如我投鴻鴈留遺音蟋蟀有私語菀枯旦暮間何  
至相爾汝推移孰使令霜林思故青斜陽一徙倚

幽磬清泠泠

天寧寺僧房看掃葉以開門落葉深分韻得  
落字

晷短序崢嶸天寒境蕭索經窗久不來黃葉紛紛  
落吟殘茶煙青帚過雨聲作掃葉兼掃塵心源爲  
疏淪

題紙窗竹屋圖

空庭歲晏人靜叢竹窗虛夜分隱几時聞飢鶴篝  
燈獨夢寒雲

分咏賀東園所蓄石

海天旭日

何來一卷石中有扶桑枝滄波浴白日幻作几席  
奇崦嵫不可返撫弄生朝曦

春雨江南

彷彿江南春石理妙如許巖口千點花山頭一片  
雨倘示京國人得毋增離緒

和補齋先生秋日見寄卽次其韻

攬衽在秋序屢奉君子音清霜阻南鴈離居愁暮  
心一水詎長路渺若干萬岑芳醕亦時開闕焉非  
共斟心馳湖上札夢結風中吟申章欲何報留春

待來今

七峯草亭遲雪

今年寒事早至前雪已甚朝來雪意成又復促清  
吟亭虛雲半凝樹禿鳥全噤只有數竿竹蕭蕭力  
先任驅寒酒何功分詩體必禁夜深風裊燈開戶  
首一闖

簷冰

盈尺琅玕頃刻成不論斜桷與雕甍排空鵝管夜  
深合墮地玉釵時一聲明月樓高增曩屨水晶簾  
近覺崢嶸何如茅屋東風底滴入春泥助早耕

除夕前三日同人集山館用東坡饋歲別歲  
守歲三首韻

分曹角詩朋破硯聊得佐綴緝幾寒暄日益充家  
貨綺語戒瓶哆道眼比箕大吟或據梧吟臥便躡  
壁臥今日復何日殘雪照四座釀錢付奚童釘盤  
出馬磨堂堂歲將歸凍屐猶一過君子歌旨酒鄙  
人鼓缶和

野馬踈櫺飛北陸行稍遲入簷一丈光斜暉那可  
追故人不相見數武如天涯賴我中丞公酒脯酬  
良時瘦語奪松翠清水自生肥我凌朔風寒歲晏

有餘悲竹間聊倚徙詩作窮愁辭無詩可得祭始  
覺今年衰

庭心立凍雀藤蔓盤脩蛇垂簾障晚寒更着屏風  
遮歲去無留景賢達將如何酒至莫先起詩成且  
無譁不見闌闔中儼鼓頻聞搗幾日殘臘轉斗柄  
行東斜春風蘇窮芟聊以慰蹉跎雅集訂歲首還  
作鄉風誇

丙寅孟春六日集晚清軒同用東坡新年五  
首韻

吟思隨春動江天歲啟元提壺先候鳥引勝卽深

村共有增年感惟慙短翮翻嚶鳴非別樹便得數  
晨昏

折東無煩爾招要每過之池窺前日影梅放隔年  
枝到眼成幽趣開懷及此時主人不嫌客新酒泛  
鵝兒

向陽安筆格促膝小軒清瘦鶴唳孤影叢書擁百  
城身閑心與淡情洽客辭生一任投名紙門前似  
沸羹

小隱北山北元棲東海東古人不可見芳訊莫教  
空幸此忘年侶都成白髮翁雞豚逐鄉杜歲歲嘯

吟同

殘雪消仍在崇蘭暖未繁閑中足佳日郭外鎖名  
園翦韭重申約支筇更欵門王猷偏愛竹珍重護  
龍孫

初春訪願上人登樓望隔江殘雪

禪侶南宗秀巾瓶渡水來緣空殘雪在客至一樓  
開晴色呈諸嶺寒光到講臺我忘雙足蹇登眺信  
悠哉

學圃八咏

松槐雙蔭之居

南齋集 卷二 十一  
攫拏松自高布濩槐亦茂含風有雙清映石無孤  
秀珍簞倘相從可以坐炎晝

卽林樓

林林繞樓樹綠意實樓虛軒窗敞四面中有仙人  
居置身雲氣上俯視夫何如

綠淨池

小池展鏡奩過雨天光入熨帖縐不成蘋末風無  
力將何以狀之寸寸割秋色

帆影亭

孤亭瞰通津側見往來艇因占五兩風忽墮一片

影欲尋欸乃聲已入蒼煙暝

桐花舫

青桐擢煙柯白舫泊幽渚當窗已作花隔葉未垂  
乳微風入低枝認作菰蒲雨

碧山樓

中黑深窳窳外青高嵯峩雖云通庭戶儼若山之  
阿誰歟棲息此冠筍衣薜蘿

舒嘯臺

絲竹不如肉擬議惟清歌清歌能移情未若嘯旨  
多試問臺上人吾論非偏頗

柳籜

西籜曲復斜柳浪青一抹曉送滿襟風夜通半枕  
月回看演漾時無限春波活

次韻程松逸玉露酒

空似秋旻淡似雲垂虹橋下釀清芬寄從江上人

初別

茶塢歸吳門寄此

開向年頭鼻乍聞一坐盡遊閒外境

幾時真掃眼前紛觥船不識春消息夢入澄波棹  
練紋

題范石湖復水月洞銘拓本

檀椎響巖嵌水月翦瀕洞石湖鵠頭書矯若白鶴

控映窗疑空明揭壁具飛動觀其復嘉名考古非  
違衆灘山不可到煙墨聊玩弄題詩綴紙尾發我  
萬里夢

仲春復齋先生邀食甜漿粥

潔如冰液甘如蔗金谷滹沱出其下疑是淮南未  
授方米豆精英秉元化會食何煩選食單凌晨入  
座春風寒炊煙一縷上林翠不愁轅釜聲將殘余最  
後至

纔嘗一口得真味清沁心脾淡歸胃直可憑虛達  
帝臺不數人間酥酪貴爲言此粥仿京師幾載緇  
塵染素衣歸來傳得養老訣方法試爲君試之我

南齋集 卷二 三  
惟年來噉菽乳食蓼而甘食蜜苦感公召食爲公  
歌飽腹便便日卓午

上已後一日邀琴泉簡堂梅查行菴看梅得  
枝字

流觴過上已剛得暗香吹竹外聞啼鳥林間枉舊  
知吟隨疎磬發春是閏年遲問訊祇園叟朝來更  
幾枝

殘梅

畢家園裏欲殘梅可比凌寒犯雪開百五節臨風  
報柳二分春去客銜杯已無獨鶴穿林迴猶有餘

香渡水回何事開遲易搖落滿庭桃李暗相催

題徐幼文師子林畫冊

誰圖師子林一時兩絕作迂翁不可見今得觀北  
郭妙筆開靈蹤塵市有幽托小水玉澹澹別峯烟  
漠漠雪月自掩映花竹亦紛錯時寫無人處飛梁  
跨澗壑頭上白雲飛疑是怪石落展玩清宿心經  
營宛如昨吳閭四百里水宿宅可泊道場倘得尋  
打包趁行腳

賦得綠陰送松逸歸新安

翠幕一庭分愔愔鳥語聞涼疑灑袂雨濃接過江

南齋集 卷二 三  
雲樹樹生遙色山山帶薄暉淒迷看不定回首悵  
離羣

丙寅四月十日

白髮潛加自不知年華歷歷總堪悲回思寸草三  
春日盡是劬勞未報時

行菴花木

老銀杏

墻頭延衆綠獨讓一庭古陰垂白日閒知閱幾寒  
暑不見種樹人緬懷到典午

新竹

人自不厭故竹自不厭新一年一抽萌枝葉相陳  
陳南風催解籜敲門來故人

新蕉

靈根失護藏曾受朔雪壓因依乾淨土忽見翠幢  
插宿心不得死終無避雨法

籬中月季

小花開四時經窗蝶飛懶奈何枝裊裊不及籬短  
短或者占春多生意恒不滿

盆中小松

蒼松非近玩盤屈在盆盎微風日暮來向予發清



響怪爾根蒂淺安得凌雲上

喜謝山至因憶樊榭堇浦蕙田諸游好

挂帆甬東雲弭棹邗溝水三年一見君襟抱猶如  
此聞君離舊居吟嘯過西湖春光一百五故人無  
密疎林扉啟曩昔中有舊行迹心賞不同來因之  
訪消息風吹南以北風送北以南相思更茗雪相  
念還當諳歲月流水駛游好晨星散假如君不來  
何人續文宴

鄰僧餉園中枇杷

白田來上客古院開清晨茗飲坐長晝誰貽炎果

珍解事有禪侶帶露連枝陳摘實不去葉落然風  
味新青黃同一器的的筐篚勺口嗛禪悅永齒濺  
儒酸頻潤除鬲上熱涼益華池津餘甘在舌本可  
以話詩人

分咏消暑食單得梅蘇丸

百味困炎上大甘變連苓誰搗清涼丸元冰點我  
心梅酸泄老火蘇辛助稚金故人惠口實  
用供臨風吟

西疇適以百丸見惠

行菴早秋用東坡望湖樓醉書五首韻

城裏未開封蟬甕河邊猶見運瓜船竭來樹老庭

空處別有寥寥一段天  
秋來真逐故人來風起林扉趁曉開昨日鳴蟬聽  
不得滿襟涼思竹梢回  
不是閑窗秋意早賦秋老筆愛盤盤紫茄白莧饒  
風露更有冬春當午餐  
小舟閒上蕩輕橈時有沙鷗狎鷺翹我已心如清  
淨退水窗疎磬更相招  
花無香氣真能淡雲不成峯始是閑試上高樓一  
騁望誰人臨水與登山

秋日題寺壁

古寺秋山裏疎鐘時一撞峯陰涼殿瓦潭影淨經  
幢黃葉未離樹白雲常繞窗祇憑僧共語能使客  
心降

入夏以後同人多行菴宴集秋杪復集瓊瓏  
山館各賦四截句

千箇篔簹一畝宮疎窗曲檻隔瓊瓏自從飄盡春  
紅後直到蟲鳴落葉中  
年光回首悵蹉跎花木禪房韻較多桑下因緣成  
信宿不妨署作兩行窩  
重來石上安吟席瓶解青絲認主賓幾日碧梧光

景換夜霜如月月如銀  
清芬誰續小山句炎景都歸燕子龕  
留取寒天一竿日別編詩集在街南

秋日泛舟過環溪

環溪屢過吾不廉菰蒲蕭蕭良友兼  
放船那辨五塘界入門先眺三山尖  
黃襪亞連野色濶碧琉璃  
淨秋光添回憶前番隔伏雨依稀  
夜月明纖纖

南齋集卷二終

